

Headline	Khazanah tak jual lapangan terbang		
MediaTitle	Utusan Malaysia		
Date	18 Sep 2019	Language	Malay
Circulation	107,609	Readership	322,827
Section	Ekonomi	Page No	31
ArticleSize	354 cm <sup>2</sup>	Journalist	Zunaidah Zainon
PR Value	RM 20,990		



Oleh ZUNAIDAH ZAINON

ekonomi@utusan.com.my

■ KUALA LUMPUR 17 SEPT.

**K**HAZANAH Nasional Berhad sama sekali tidak akan menjual Malaysia Airport Holding Berhad (MAHB) kepada mana-mana syarikat memandangkan ia adalah aset strategik yang bernilai kepada dana pelaburan itu.

"Tidak betul. MAHB adalah pegangan strategik Khazanah. Tidak ada niat untuk menjual," menurut sumber yang mengetahui maklumat berkenaan kepada *Utusan Malaysia* di sini hari ini.

Akhbar ini melaporkan Khazanah berada dalam proses akhir penjualan pegangannya dalam MAHB kepada sebuah syarikat pengurusan lapangan terbang di London iaitu Vinci & Gatwick Airport.

Ini susulan status Facebook milik Badru atau che'Gu Bard yang mendakwa Khazanah menolak cadangan awal yang dikemukakan oleh ADP Incorporated untuk mengekalkan kerajaan Malaysia sebagai pemegang saham utama MAHB.

Menerusi status itu, dimaklumkan daripada sumber mak-

## Khazanah tak jual lapangan terbang



lumat yang diperoleh, bahawa MAHB akan terelong kepada Gatwick - London yang tidak mempunyai rekod kecemerlangan dalam pengurusan.

Khabar angin mengenai penjualan MAHB mula bertiup sejak akhir Jun lalu apabila terdapat laporan Gatwick akan membeli kepentingan dengan

Khazanah mengekalkan sekitar 10 hingga 20 peratus pegangan daripada 33.2 peratus.

Gatwick Airport telah diuruskan oleh VINCI Airports dan Global Infrastructure Partners sejak 2009. Pada Julai lalu, dilaporkan VINCI Airports memperoleh kepentingan 50.01 peratus dalam pengendali lapangan terbang

manakala Global Infrastructure Partners memiliki 49.99 peratus.

VINCI Airports menguruskan pembangunan dan operasi di 46 lapangan terbang di Amerika Syarikat, United Kingdom, Jepun, Paris, Sweden, Portugal, Serbia, Brazil, Chile, Cambodia, Dominican Republic dan Costa Rica.

Apakah objektif pelaburan Khazanah?

Khazanah akan berusaha ke arah dua objektif pelaburan, iaitu komersial dan strategik dalam mempertingkatkan kekayaan negara.

Dana Komersial merujuk kepada dana kekayaan jangka panjang dengan sasaran pulangan yang setara dengan Indeks Harga Pengguna Malaysia (CPI) ditambah tiga peratus pada asas lima tahun berterusan.

Menerusi dana ini, ia termasuk aset awam seperti Kumpulan CIMB, Kumpulan Axia, IHH Healthcare dan Alibaba.com serta aset persendirian seperti The Holstein Milk Company, Sun Life Malaysia, WeLab dan Palantir.

Bagi Dana Strategik, ia melibatkan dana pembangunan dengan sasaran pulangan bersamaan dengan hasil Sekuriti Kerajaan Malaysia (MGS) selama 10 tahun pada asas lima tahun berterusan serta manfaat ekonomi yang boleh diukur.

Di bawah dana ini, ia termasuk aset strategik seperti Telekom Malaysia, Tenaga Nasional, Malaysia Airlines, MAHB dan PLUS Malaysia serta aset pembangunan seperti Silterra, Iskandar Investment Berhad, Themed Attractions Resort & Hotels, Pinewood Iskandar Malaysia Studios dan Medini Iskandar Malaysia.